

Desaroyador di Hard Rock Hotel no por keda cla cu financiamiento pa motibo

Diferencia di opinion entre accionistanan ta haci'e dificil pa nan keda cla

E financiamiento pa construcion di Hard Rock Hotel & Casino por bin cla den minimo di tempo, esta si e accionistanan por haya otro riba nan diferencia di opinion.

Informacion cu nos di AWE-Mainta a haya ta, cu AIB Bank cu ta e leading-bank, ta practicamente cla, pero a bin sali na cla, cu e accionistanan, esta e grupo local y esun stranhero, tin diferencia con e reparticion di e accionnan mester ta.

E grupo stranhero (nos ta reserba pa menciona nomber), ta di opinion cu nan merece di haya mayoria di shares, pasobra nan ta poniendo mas placa cu e grupo local, mientras cu e grupo local ta bisa, cu ta nan a logra di haya e terreno y esey sigur ta un contribucion pa tin mayoritario di e sharesnan.


Y manera nos fuente a duna di conoce, mirando e diferencia di opinion cu tin, e grupo aki, cu ta conoci como Southwest Horeca

Development lo no keda cla. Ni si bay di acuerdo pa prolonga e deadline manera el a bira awor, dia 16 di augustus awor pa keda cla cu e financiamiento.

Mirando cu e diferencia di interpretacion cu e accionistanan tin cu otro, dificilmente nan lo keda cla cu e financiamiento.

E ora ey, no ta keda Minister Otmar Oduber nada otro, di ehecuta decision tuma anteriormente pa Parlamento, cu mester baha e edificio di ex Bushiri Beach Hotel abao, pa pone un fin na 10 aña na un edificio cu ta masha mahos bista pa nos turismo.

Tambe Parlamento a tuma un decision anterior, cu si tin grupo interesa, Gobierno no por bay over na negoshia nada, sin consulta cu Parlamento prome. Pasobra awor cu Hard Rock Hotel lo pasa pa pasado, ta surgi idea atrobe di dos otro compania, cu ta Sheraton y Hilton Hotel. Ambos compania tabatin hotel



Ex Bushiri Hotel - 18 mei 2014

ta maneha anteriormente caba na Aruba.

E garantia bancario di dos milyon dolar cu e proyecto aki tin, ta valido te cu fin di augustus awor, pero awor Minister Otmar Oduber mes a dicidi di tuma decision, cu pa dia 16 di augustus awor mester tin claridad.

AIB a laga sa caba di no por prolonga dicho garantia mas. For di 1 di juni ultimo, tin hasta palabracion cu e accionistanan

di e proyecto aki tin 40% di financiamiento y cu hasta Southwest a pone e suma di 8 milyon florin como performancebond. Pero como cu e desaroyadornan di e proyecto di Hard Rock no a keda cla, a haya dos luna for di 1 di juni ultimo, pa keda cla cu e financiamiento, cu manera menciona te awe esaki no t'e caso.

Motibo ta, diferencia di opinion cu tin bao di e accionistanan,

con e reparticion di shares mester ta. Den dianan benidero lo haya claridad riba e proyecto aki, pero na nos opinion Gobierno a haci todo por todo y e grupo no por cumpli, anto basha e edificio aki abao, te un proximo oportunidad ora cu haya un grupo di desaroyador serio.

Anteriormente tabata Gran Melia, cu no a cumpli y awor ta Hard Rock.